

Jadual Pembacaan Khutbah

Siri 4/ 2023

(Bulan April Tahun 2023)

تاريخ	تاجوق	ب
7 April 2023M/ 16 Ramadan 1444H	Al Quran: Jati Diri Umat Islam	1.
14 April 2023M/ 23 Ramadan 1444H	Pecutan Di Akhir Ramadhan	2.
21 April 2023M/ 30 Ramadan 1444H	Ramadhan Akan Pergi	3.
28 April 2023M/ 7 Syawal 1444H	Kekal Beramal Ketika Syawal	4.
Khutbah Kedua		

Dibiayai:



Zakat Pulau Pinang

Diterbitkan:



Jabatan Hal Ehwal Agama
Islam Pulau Pinang

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Pecutan Di Akhir Ramadan

(14 April 2023M/ 23 Ramadan 1444H)

الْحَمْدُ لِلَّهِ الَّذِي أَكْرَمَنَا بِرَمَضَانَ شَهْرِ الْغُفْرَانِ، وَجَعَلَ الْعَشْرَ الْأَوَّخِرَ مِنْهُ مِنْ أَفْضَلِ الْأَزْمَانِ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ السَّلَامُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ، خَيْرُ الْأَنَامِ.

صَلَّى اللَّهُ وَسَلَّم عَلَى رَسُولِنَا مُحَمَّدٍ أَفْضَلِ مَنْ صَامَ وَقَامَ، وَعَلَى آلِهِ وَصَحْبِهِ، وَمَنْ اهْتَدَى بِهِدْيِهِ، وَاتَّبَعَ سُنَّتَهُ إِلَى يَوْمِ الْمَقَامِ.

أَمَّا بَعْدُ، فَيَا عِبَادَ اللَّهِ، أُوصِيكُمْ وَنَفْسِي بِتَقْوَى اللَّهِ تَعَالَى وَطَاعَتِهِ، وَاعْلَمُوا أَنَّ اللَّهَ عَزَّ وَجَلَّ فَضَّلَ شَهْرَ رَمَضَانَ عَلَى الشُّهُورِ، فَقَدْ خَصَّ الْعَشْرَ الْأَوَّخِرَ مِنْهُ بِخَصَائِصَ عَنْ بَقِيَّةِ أَيَّامٍ وَلَيَالِي الشَّهْرِ.

MUSLIMIN YANG DIRAHMATI ALLAH SEKALIAN,

Tidak ada nasihat paling penting yang ingin diseru di atas mimbar yang mulia ini, melainkan untuk mengajak semua hadirin sekalian agar meningkatkan ketakwaan kepada Allah **سُبْحَانَهُ وَتَعَالَى**. Taatilah segala suruhan Allah dan tinggalkanlah segala perkara yang ditegah-Nya. Semoga kita beroleh ketakwaan yang sebenar di sisi Allah.

Selain itu, elakkan dari bermain gajet, melayan mesej *Whatsapp*, *Facebook*, *Instagram*, tidur dengan sengaja dan menggerakkan tabung masjid ketika mendengar khutbah. Semua ini boleh mencacatkan pahala



dan termasuk dalam perbuatan sia-sia. Marilah kita bersama-sama memberi perhatian kepada khutbah Jumaat pada minggu ini yang akan mengangkat tajuk “**Pecutan Di Akhir Ramadhan.**”

MUSLIMIN YANG DIRAHMATI ALLAH SEKALIAN,

Bulan Ramadhan semakin hampir melabuhkan tirainya. Khatib yakin kita semua sudah pun melalui fasa awal dan pertengahan Ramadhan dengan baik sekali. Banyak amal kebajikan yang kita cuba laksanakan dengan semaksimum mungkin. Masa kita dipenuhi dengan ibadah puasa di siang hari serta solat sunat tarawih dan tahajud di malam hari. Ditambah pula dengan bacaan Al Quran, sedekah, zikir dan ibadah-ibadah lain yang sudah pasti mendapat pahala berganda daripada Allah **سُبْحَانَهُ وَتَعَالَى**. Amalan-amalan ini kita laksanakan dengan penuh semangat sewaktu menerima kunjungan Ramadhan pada awalnya.

Lalu, bagaimanakah pula keadaan kita sekarang? Masih punya semangat yang kuat untuk meneruskan perjuangan ketika di akhir-akhir Ramadhan? Atau kian terhakis kerana fokus kepada persiapan hari raya? Persoalan ini adalah sebagai muhasabah kita bersama. Usahlah melepaskan sedikit pun ruang masa bagi melipat gandakan amal ibadah, dalam waktu yang tersisa di Ramadhan yang mulia ini.

MUSLIMIN YANG DIRAHMATI ALLAH SEKALIAN,

Ketika tiba 10 malam terakhir Ramadhan, Rasulullah **صَلَّى اللَّهُ عَلَيْهِ وَسَلَّمَ** adalah contoh suri teladan sepertimana yang telah diriwayatkan oleh Saidatina ‘Aisyah **رَضِيَ اللَّهُ عَنْهَا**:



كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا دَخَلَ الْعَشْرُ شَدَّ مِئْزَرَهُ وَأَحْيَا لَيْلَهُ وَأَيَّقَظَ أَهْلَهُ

Maksudnya: “Nabi ﷺ apabila masuknya 10 hari terakhir Ramadhan, Baginda akan mengetatkan kain, menghidupkan malam tersebut dan mengejutkan ahli keluarga (untuk turut menghidupkan malam).”

﴿Hadis Riwayat Al Bukhari﴾

Hadis ini membawa maksud bahawa pada 10 malam terakhir Ramadhan, Rasulullah ﷺ akan bersungguh-sungguh beribadah. Baginda juga tidak menggauli isterinya kerana ingin fokus sepenuhnya kepada amal ibadah dan meningkatkan amal melebihi hari-hari yang lain.

SIDANG JUMAAT YANG DIKASIHI SEKALIAN,

Dalam melalui fasa terakhir Ramadhan ini, Allah ﷻ telah menganugerahkan satu malam yang cukup istimewa buat semua hambanya iaitu lailatul qadar. Kelebihan yang lebih baik dari seribu bulan ini digambarkan oleh Allah ﷻ melalui firman-Nya:

بِسْمِ اللَّهِ الرَّحْمَنِ الرَّحِيمِ

إِنَّا أَنْزَلْنَاهُ فِي لَيْلَةِ الْقَدْرِ ۝ وَمَا أَدْرَاكَ مَا لَيْلَةُ الْقَدْرِ ۝ لَيْلَةُ الْقَدْرِ خَيْرٌ مِّنْ أَلْفِ شَهْرٍ ۝ تَنَزَّلُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ مِّنْ كُلِّ أَمْرٍ ۝ سَلَامٌ هِيَ حَتَّىٰ مَطْلَعِ الْفَجْرِ ۝



Maksudnya: “Sesungguhnya Kami telah menurunkan (Al Quran) ini pada malam al qadar. Dan apa jalannya engkau dapat mengetahui apa dia kebesaran malam lailatul qadar itu? Malam lailatul qadar lebih baik daripada seribu bulan. Pada malam itu, turun malaikat dan Jibril dengan izin Tuhan mereka, kerana membawa segala perkara (yang ditakdirkan berlaku pada tahun yang berikut). Sejahteralah malam (yang berkat) itu hingga terbit fajar.” ﴿Surah Al-Qadr: 1-5﴾

Para ulama' telah berbeza pendapat mengenai bilakah berlakunya al-Qadar. Justeru, sebagai langkah berjaga-jaga untuk mendapatkan kelebihan malam tersebut, laksanakanlah amal ibadah sebanyak mungkin pada setiap 10 malam terakhir Ramadhan serta lebih memberikan fokus pada malam-malam ganjil.

MUSLIMIN RAHIMAKUMULLAH,

Antara amalan yang dilazimi oleh Baginda ﷺ untuk kita sama-sama ikuti dan amalkan dalam mengejar *Lailatul Qadar* ini ialah beriktikaf di masjid. Menurut Imam Ibnu Rajab Al Hambali رَحْمَةُ اللَّهِ, iktikaf adalah memutuskan segala perhubungan dari semua makhluk dengan memperhambakan diri kepada *Al-Khalik* (Pencipta). Ummul Mukminin ‘Aisyah رَضِيَ اللَّهُ عَنْهَا berkata:

كَانَ يَغْتَكِفُ الْعَشْرَ الْوَاحِدَ مِنْ رَمَضَانَ حَتَّى تَوَفَّاهُ اللَّهُ عَزَّ وَجَلَّ ثُمَّ اغْتَكَفَ
أَرْوَاجَهُ مِنْ بَعْدِهِ

Maksudnya: “Adalah Baginda ﷺ beriktikaf pada sepuluh hari terakhir bulan Ramadhan sehinggalah Baginda wafat. Kemudian para isteri Baginda turut beriktikaf selepas kewafatan Baginda.”

﴿Hadis Riwayat Muslim﴾

Oleh itu, gunakanlah kesempatan ini untuk berniat iktikaf setiap kali hadir ke masjid. Penuhi masa di dalam masjid dengan melaksanakan ibadah seperti membaca Al-Quran, berzikir, beristighfar, menunaikan solat dan sebagainya. Bagi isteri atau wanita yang tidak dapat ke masjid, bantulah mereka untuk adakan suatu ruang khusus di dalam rumah sebagai mihrab untuk melaksanakan ibadah dan *Qiamullail*.

HADIRIN YANG DIRAHMATI ALLAH SEKALIAN,

Kita belum pasti sama ada berpeluang untuk bertemu semula dengan Ramadhan atau sebaliknya pada tahun hadapan. Gunakanlah kesempatan ini untuk meningkatkan amal ibadah dan kebajikan.

Mengakhiri khutbah, khatib ingin menyeru dan mengajak sidang hadirin sekalian untuk melakukan beberapa amalan pada 10 malam terakhir bulan Ramadhan iaitu seperti berikut:

1. Menambahkan amal dengan solat-solat sunat terutama di malam hari.
2. Melazimi membaca Al-Quran.
3. Memperbanyakkan sedekah.
4. Menyambung ikatan silaturrahim dan ukhuwah.

5. Berusaha untuk beriktikaf di masjid.

Semoga kita semua beroleh keampunan dan rahmat Allah **سُبْحَانَهُ وَتَعَالَى** serta dijauhkan daripada api neraka.

Firman Allah **سُبْحَانَهُ وَتَعَالَى** dalam surah al Hajj ayat 77:

يَا أَيُّهَا الَّذِينَ ءَامَنُوا ارْكَعُوا وَاسْجُدُوا وَاعْبُدُوا رَبَّكُمْ وَافْعَلُوا الْخَيْرَ لَعَلَّكُمْ تُفْلِحُونَ ﴿٧٧﴾

Maksudnya: “Wahai orang-orang yang beriman, ruku’lah serta sujudlah (mengerjakan sembahyang), dan beribadatlah kepada Tuhan kamu (dengan mentauhidkan-Nya), serta kerjakanlah amal-amal kebajikan; supaya kamu Berjaya (di dunia dan di akhirat).”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ.





خطبة كدوا بولن أفريل

2023M/ 1444H

الْحَمْدُ لِلَّهِ عَلَى أَلَايِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

Dalam kesempatan ini, mimbar ingin menyeru agar sama-sama kita menjadikan keselamatan diri, keluarga dan pengguna jalan raya yang lain sebagai keutamaan di sepanjang musim perayaan terutamanya pada perayaan Aidilfitri.

Muslimin dan muslimat juga diingatkan agar tidak melakukan tujuh kesalahan utama lalu lintas iaitu memotong barisan, memotong di garisan berkembar, tidak mematuhi isyarat lampu merah,



memandu melebihi had laju, menggunakan telefon bimbit semasa memandu, tidak memakai tali pinggang atau topi keledar dan memandu di lorong kecemasan.

Allah سُبْحَانَهُ وَتَعَالَى melarang para hamba-Nya yang beriman daripada melakukan apa sahaja perbuatan yang boleh membinasakan diri sendiri, sepertimana Allah berfirman dalam Surah Al-Baqarah, ayat 195 yang bermaksud:

"Dan janganlah kamu sengaja mencampakkan diri kamu ke dalam bahaya kebinasaan; dan baikilah (dengan sebaik-baiknya segala usaha dan) perbuatan kamu; kerana sesungguhnya Allah mengasihi orang-orang yang berusaha memperbaiki amalannya."

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.



اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ،
وَأَشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾

